



**Četnaest uhapšenih** u akciji protiv terorizma još na policijskoj obradi

**FOJNICA I ZUKIĆ NA SLOBODI**

**"Krive bh. institucije"**

●●● Mehmed Bradarić, član Zajedničke komisije za odbranu i sigurnost, izrazio je zadovoljstvo uspjehom akcije. "Radi se o najbezopasnijoj grupaciji ljudi koja nam se neprestano iznuguje i uporno prijeti suživotu", ponužio je on. Šef Kluba SNSD-a u Parlamentu BiH Drago Kalabić rekao je da je SNSD i ranije upozoravao i imao ozbiljne inicijative koje su se odnosile na potrebu da se zaustave aktivnosti koje su išle na jačanje terorista. Poslanik SDS-a Aleksandra Pandurević rekla je da su za radikalne grupe u BiH krive institucije BiH i oni koji su ih šttili.

# Vehabije prijetе na portalima

**Rok: 0** sudbini ostalih uhapšenih biće odlučeno nakon 72 časa

**Mirsada LINGO-DEMIROVIĆ**

**SARAJEVO** - Hamdo Fojnica i Fikret Zukić pušteni su juče, nakon što su u srijedu uhapšeni i ispitani u prostorijama Agencije za zaštitu i istrage SIPA, a u okviru akcije borbe protiv terorizma kodnog naziva "Damask".

Ovo je "Nezavisnim" potvrđeno iz izvora bliskih Državnoj agenciji za istragu i zaštitu (SIPA).

Fojnica je široj javnosti u BiH poznat kao otac Emraha Fojnice, koji je bio osumnjičen za pomaganje Mevlidu Jašareviću pri terorističkom napadu na Ambasadu SAD u Sarajevu. U sudskom postupku Emrah je oslobođen optužbi da bi nakon toga otišao ratovati u Siriju. Emrah Fojnica je, kako su objavili mediji, nedavno poginuo u Iraku, tokom samoubilačkog napada.

Kristina Jozić, portparol SIPA, kazala je juče da pripadnici ove agencije nastavljaju kriminalističku obradu nad 14 osoba koje su u srijedu uhapšene u akciji "Damask".

Ona je rekla da će, nakon što prođe rok od 72 sata, koji je po zakonu dat u slučaju hapšenja i ispitivanja lica optuženih za terorizam, Tužilaštvo BiH odlučiti o njihovom daljem statusu, te da se nastavlja istraga u vezi sa krivičnim djelom terorizma. Dodala je da je pušteno i 15 osoba koje su u bile na promatranju, jer se povezuju s mjestima i uhapšenim osobama.

Goran Zubac, direktor SIPA, najavio je da će tokom naredne sedmice biti organizovana još jedna slična, opsežna akcija policij-

skih službenika ove agencije. Zubac nije želio govoriti o detaljima niti potvrditi da li je riječ o terorizmu.

Na internet portalima bliskim radikalnim islamistima, među kojima su Esune i Put vjernika, upućene su prijetnje i kletve izvršiocima i nalogodavcima velike antiterorističke akcije "Damask", u kojoj su uhapšeni pripadnici vehabij-skog pokreta u BiH.

"Izvršioce i nalogodavce akcije da svemoguću Alah uputi na pravi put, ako su za upute, u suprotnom neka dožive različite vidove patnje još na ovom svijetu sa svojim ukucanicima", jedna je od prijetnji na portalu Esune.

Mediji su objavili i mišljenja nekih bh. eksperata za borbu pro-

ktiv terorizma, među kojima je i Dževad Galijašević, koji ističe da su internet portalima Esune, Vijesti umeta i Put vjernika pod kontrolom vehabija koji su simpatizeri Islamske države.

On tvrdi da portal Umet u potpunosti kontroliše Muhamed Porča iz Beča. "Sigurno je da korištenjem kuranskih alegorija oni prijetе svima koji su učestvovali u hapšenju pripadnika vehabij-skog pokreta", rekao je za agenciju "Srna" Galijašević.

On tvrdi da radikalni islamisti prijetnjama upućenim putem interneta žele spriječiti dalja hapšenja vehabija. Smatra da time žele zaštititi Porču, ali i druga važna lica u infrastrukturi Al Kaide i Islamske države.

U akciji "Damask", po nalogu Suda i Tužilaštva BiH, uhapšeno je 16 osoba i izvršen je pretres na 17 lokacija na području Sarajeva, Kiseljaka, Zenice, Maglaja, Ošve i Gornje Bočinja, Srebrenika, Gornje Maoče, Zvonika, Tuzle, Kalesije, Banovića, Bužima i Tešlića, a s ciljem pronalaska i privremenog izuzimanja predmeta koji mogu poslužiti kao dokaz u daljem postupku. Među uhapšenima je vođa selefijske zajednice iz Bužima Husein Bosnić, zvani Bilal, koji je javno pozivao mladiće iz BiH da se pridruže stranim oružanim formacijama, a više puta je, takođe javno, osporavao ustavni poredak u BiH. Uhapšeni su osumnjičeni da su počinili krivično djelo finansiranja terorističkih aktivnosti, javno podsticanje na terorističke aktivnosti, vrbovanje radi terorističkih aktivnosti, organizovanje terorističke grupe, a sve u vezi sa krivičnim djelom terorizma.



**"DAMASK"**

**Na internet portalima bliskim radikalnim islamistima, upućene prijetnje i kletve izvršiocima i nalogodavcima akcije "Damask"**

## Državljeni BiH u Siriji i Iraku

●●● Prema podacima najvažnijih institucija u BiH, u Iraku i Siriji je ratovalo ili se još bori na strani ekstremista oko 150 građana sa bh. državljanstvom. Neki od bh. državljana su poginuli na tamošnjim ratovima dok su se drugi vratili u Bosnu i Hercegovinu.

Ovo je spisak nekih od njih:

- 1. Bajro Ikanović** iz Hadžića. Otišao u džihad u Siriju u januaru 2013. godine.
- 2. Enver Lilić** iz Vogošće. Otišao u džihad u Siriju u aprilu, a vratio se u junu prošle godine.
- 3. Abdullah Ibrahimović** iz Sarajeva. Drugi put otišao u džihad u Siriju u septembru prošle godine.
- 4. Haris Svac** iz Zenice. Otišao u džihad u Siriju u aprilu prošle godine.
- 5. Mevludin Ciovara** iz Viteza. U Siriji od aprila 2013. godine.
- 6. Aldin Alibašić** iz Sarajeva. Ponovo otišao u Siriju krajem 2013. godine.
- 7. Djamel Boutrif**, državljani Alžira i BiH. U Siriji od decembra 2012.
- 8. Kenan Bijedić** iz Visokog, kod Sarajeva. Instruktor pobunjenika u Siriji. Jedan od organizatora odlazaka državljana BiH u Siriju.
- 9. Muhamed Džerahović** iz Zenice. Vratio se iz Sirije sredinom 2013. godine.
- 10. Jasmin Keserović** iz Zavidovića. Otišao u džihad u Siriju početkom 2013.
- 11. Armen Dželko** iz Sarajeva, otišao u džihad u Siriju u februaru 2013. godine.
- 12. Senad Hasanović** iz Sarajeva. Otišao u džihad u Siriju 21. maja 2013. godine.

- 13. Fikret Hadžić** iz Kaknja. Ponovo otišao u Siriju u avgustu 2013. godine.
- 14. Nermin Spahić** iz Kaknja. Iz Sirije se vratio u januaru 2013. godine.
- 15. Vildan Ključić** iz Mostara. Otišao u džihad u Siriju u avgustu 2012. godine.
- 16. Bećir Hodžić** iz Sarajeva. U džihadu u Siriji od prošle godine.
- 17. Advan Mijatović** iz Trebinja. Otišao u džihad u Siriju u aprilu 2013. godine.
- 18. Emedin Velić** iz Sarajeva. Poginuo u Siriji 25.09.2013. godine.
- 19. Edin Alijević** iz Hadžića. Otišao u džihad u Siriju u maju 2013. godine.
- 20. Emin Hodžić** iz Vogošće. Ponovo otišao u Siriju u avgustu prošle godine.
- 21. Midhat Đono** iz Hadžića, kod Sarajeva. U Siriji je angažovan kao prevodilac ruskog jezika dobrovoljcima iz BiH koji, zajedno sa dobrovoljcima iz Čečenije, ratuju protiv režima Bašara al Asada.
- 22. Marko Nikolić** iz Sarajeva bio u Siriji do maja 2013. godine.
- 23. Mirzet Mahmutović** iz Srebrenika. Otišao u džihad u Siriju u martu 2013. godine.
- 24. Kenan Kršo** iz Sarajeva. Pokušavao iz Turske ilegalno ući u Siriju.
- 25. Muhamed Meo** iz Sarajeva. U Siriji bio do sredine 2013. godine.
- 26. Seid Čolić** iz Tešnja. Otišao u džihad u Siriju u martu 2013. godine.
- 27. Jasmin Grabus** iz Brčkog. Otišao u džihad u Siriju 21. maja 2013. godine.

**SPREČAVANJE Radikalni islamisti prijetnjama upućenim putem interneta žele spriječiti dalja hapšenja vehabija**



**NAJAVA Tokom naredne sedmice biće organizovana još jedna slična akcija pripadnika SIPA**